

minimo, sed inlesa reperta¹ sunt. Illi autem miraculo viso benedix|erunt deum, perrexerunt recto itinere usque ad locum praedestinatum, ubi prius devotionem | habuerunt venire, ad monasterium sancti Galli, et narraverunt omnia fratribus, quę gesta erant, | et obtulerunt pallulam super altare, et fuit ibi insignum multis temporibus, sub tempo|ribus, quando domnus Audemarus abba ipsum monasterium regebat.

Fertur et aliud miraculum, quę in ipso supra nomi- c. 48.
nato pago contigebat tempo|ribus Pippini regis. Infirmabatur vir unus nomine Uuillimarus valida | languore, et votum vovit deo, si dominus illum sanare (volu)|isset, quod unum equum et | duobus bubus ad ecclesiam sancti Galli donare deb(eret?), et ex illo iam die cepit confor|tare et sanus factus est. Contigit autem, ut ipsius dominus nomine Birhtilone | pro causam orationis ad ecclesiam sancti Galli confessoris festinasset et ipse supra nominatus vir || ivit cum ipso, quia sub dominatione ipsius presidis fuisset. Cum autem pervenissent | ad monasterium et intransibis eis in ecclesiam sancti Galli oratione facta et benedictio|ne petita, voluerunt reverti ad propria. Recedentibus eis, cum non longe essent ab | ecclesia, ipse equus, qui prius devotatus fuerat ad ipsam ecclesiam, super quem ipse | sedebat qui eum voverat, non potuit longius ire; ille autem qui desuper sedebat | coepit calcaribus cruentari et nec sic omnino movebatur. Vidente autem preside | et qui cum eo erant coeperunt inquirere, quidnam esset. At ille primus cum confusione | prodens eis delictum, quia deliquisset propter votum, quod voverat, et reverseonem (?) fate|batur pro ipso voto. Statim reversi sunt omnes ad ecclesiam et offerebant ipsum equum | ad hostium ecclesię, et cum benedictione reversi sunt ad propria.

Tercium vero miraculum adhuc gestum est in ipso c. 49.
supradicto pago regnante domno | Carlmanno in anno quarto regni sui. Fuit et aliquis homo pauperculus de vici|natu Rotuquilla fisco publico, quia ex summa devotione ad ecclesiam sancti Galli | vellebat pervenire, et non habenti illi ad altare offerre aliquid potuisset, suaden|te diabolo intempesta noctis intravit in atrium presidis, furavit vasculum unum | cum apibus et melle, et introduxit in domum suam, et extinxit apes tollens mellem, et fecit | ex ea ceram. Post hæc vero una cum vicinis et cognatis

1) 'aperta'; darüber corrigiert 're'.